





Inches
Centimetres

TIFFEN Color Control Patches

© The Tiffen Company, 2007



稱謂錄第三本

卷九目

天子

天子自稱


天子古稱

外域稱天子

天子祖母

天子祖母古稱

天子父



465X6

博習錄

卷九目錄

稱謂錄第三本

卷九目

天子

天子自稱


天子古稱

外域稱天子

天子祖母

天子祖母古稱

天子父



天子父古稱

天子母古稱

天子母古稱

尊封列宮

尊封列宮古稱

天子妻

天子妻古稱

卷十目

列宮

列宮古稱

太子

太子古稱

太子妻

太子妻古稱

皇諸子

卷十一目

皇太孫

皇諸孫

38100

皇諸子皇諸孫之妻

皇諸孫之妻古稱

宗室

宗室古封爵各稱

宗室妻

宗室妾

宗室妻古稱

公主

公主古稱

宗室女古稱

宗室女古稱

駙馬

駙馬古稱

宗室婿古稱

外戚

外戚古稱

太監

太監古稱

卷十二目

師傅保

師傅保古稱

師傅保總稱

太子師傅保

太子師傅保總稱

上書房行走

各等封爵

各等封爵古稱

宗人府

宗人府職官

宗人府職官古稱


內閣 附中書科

內閣大學士

相臣古稱

內閣各官

內閣各官古稱



稱謂錄卷九

福州梁章鉅撰合人善書男恭辰校刊



天子

天子 禮記君天下曰天子 白虎通天子者爵稱也

王者父天母地爲天之主也聖人受命皆天所生故

謂之天子 漢書郊祀志王者父事天故爵稱天子

春秋繁露尊者取尊號卑者取卑號故德侔天地

者皇天佑而子之號稱天子

皇帝 書皇帝清問下民 管子明一者皇察道者帝

皇帝詩譜疏德合北辰者皆稱皇感五帝坐星者皆稱

帝 史記秦始皇本紀采上古帝位號號曰皇帝

白虎通漢制天子稱皇帝其嫡嗣稱皇太子 獨斷

皇帝至尊之稱皇者煌也盛德煌煌無所不照也帝

者諦也能行天道事天審諦故稱皇帝 魏了翁古

大今考人主自號皇帝自秦政始而漢因之謚曰高皇

帝則亦襲始皇之陋也 陸贄云德合天者謂之皇

合地者謂之帝合人者謂之王父天母地養人理物

謂之皇帝

皇上 陸士衡皇太子宴元圃宣猷堂賦詩皇上纂隆

經教宏遠

今上 史記秦本紀今上以重法繩之 案此今上二

字所由稱之始

皇 爾雅林烝天帝皇王后辟公侯君也 說文皇大

也從自自始也始皇者三皇太君也 何休公羊傳

注德合於元者稱皇 風俗通三皇道德玄泊有似

皇天故稱曰皇

帝 爾雅見上 說文帝諦也王天下之號也 獨斷

上古天子庖犧氏神農氏稱皇堯舜稱帝夏殷周稱王
白虎通德象天地稱帝仁義所生稱王帝者天
號王者五行之稱也

陛下 獨斷陛下者陛階也天子必有近臣執兵陳於
陛側以戒不虞謂之陛下者羣臣與天子言不敢指
斥天子故呼在陛下者而告之因卑達尊之義天子
今自稱曰朕臣民稱之曰陛下

殿下 魏晉六朝稱殿下

聖人 莊子堯觀乎華華封人曰請祝聖人

聖上 漢書稱聖上

天子自稱 天子自稱曰朕

朕 始皇已并天下李斯等議曰有天皇有地皇有泰

皇泰皇最貴臣等昧死上尊號王為泰皇命為制令

為詔天子自稱曰朕蔡邕注曰朕我也古者上下共

稱之至秦然後天子獨以為稱

小子 論語予小子履 書湯誓非台小子敢行稱亂

又說命台小子舊學於甘盤

沖人 書大誥洪維我幼沖人嗣無疆大歷服又肆予

沖人永思艱曰又越予沖人不叩自恤

孤 寡 不穀 老子人之所惡惟孤寡不穀而王公

以為稱 案曲禮庶方小侯入天子之國曰某人於

外曰子自稱曰孤九州之長於內自稱曰不穀於外

自稱曰王老孔疏謂凡常諸侯皆稱寡人僖四年齊

桓公對屈完稱不穀者謙也莊十一年宋災魯往弔

之宋閔公稱孤者傳云列國有凶稱孤禮也據此則

孤寡不穀皆諸侯自稱而天子不必以此自稱也附

識於此

天子古稱

后 爾雅見上 書克綏厥猷惟后 易后以施命誥

四方 禮疏夏言后者白虎通云以揖讓受於君故

稱后 說文后繼體君也象人之形施令以告四方

故厂之從一曰發號者君后也

元后 書汝終陟元后

王 爾雅見上 說文王天下所歸往也 春秋繁露

深察王號之大意其中有五科皇科方科匡科黃科

往科合此五科以一言謂之王

天王 春秋隱六年冬天王使凡伯來聘 獨斷天王

諸夏之所稱天下之所歸往故稱天王

君王 詩室家君王

后王 書說命中樹后王君公疏后王謂天子也

素王 史記殷本紀伊尹處士湯使人聘迎之五反然

後肯往從湯言素王及九主之事注曰素王大素上

皇其道質素故稱素王

孝王 嗣王 禮記曲禮內事曰孝王某外事曰嗣王

某 天子古無

君 爾雅見上

大君 易大君有命開國承家

社君 劉向七錄三載社君楊慎曰幼君也如周成漢

大昭

天 穀梁宣才五年傳為天下主者天也繼天者君也

劉禹錫砥石賦君為人天

天辟 前漢五行志天子曰天辟

天皇 唐書高宗紀上元二年八月壬辰皇帝稱天皇

皇后稱天后

君天 左傳稱君天

上帝 詩上帝板板毛傳上帝以託君王也

素皇內帝 鵬冠子此素皇內帝之法注帝者天號王

者人號皇者天人之總美大之名謂之素皇內帝則

又其至者也

大官 子華子天子大官也

縣官 史記絳侯周勃世家庸知其盜買縣官器注縣

官謂天子也又見後漢劉盆子傳注

官家 梁太宗十一王傳官家尙爾兒女敢辭 白居易

易詩自此光陰爲已有從前歲月屬官家 湘山野

錄李侍讀仲容善飲真宗飲量無敵飲則召公一夕

天上命巨觥仲容曰告官家免巨觥 蔣濟萬幾論五

帝官天下三王家天下今指天子爲官家猶言帝王

也 朱弁曲洧舊聞哲宗御講筵誦讀畢賜扇潞公

見帝手中用紙扇率羣臣降階賀太后聞之喜曰老

成大臣用心終是與人不同晚問哲宗曰官家知大

官臣稱賀之意乎用紙扇是人君儉德也 池北偶談

引炙輒錄記周正夫曰仁宗皇帝百事不會只會做

官家

官 魏晉六朝稱官

宅家 李濟翁資暇錄至尊以天下為宅四海為家不

敢斥呼故曰宅家亦猶陛下之義 表異錄唐時宮

中呼天子為宅家 通鑑韓建發兵圍十六宅諸王

呼曰宅家救兒 唐子西詩宅家喜得調元手

天家 獨斷天家百官小吏之所稱天子以天下為家

故稱天家

大家 北齊書奴見大家心死注臣妾呼天子曰大家

獨斷親近侍從官稱天子曰大家

真主 後漢書王常傳今劉氏復興即真主也

鉅公 漢書郊祀志注天子為天下父故曰鉅公鉅大

也

天公 後漢書稱君曰天公

崖公 天子也見唐語林 教坊記散樂呼天子為崖

公 人謂尊也

太上 漢書上合薄昭與淮南厲王書曰王欲以親戚

之意望於太上如瀆曰太上天子也 王褒四子講

德論太上聖明案皆以太上稱天子

大宗 詩疏王者天下之大宗以禮有大宗小宗爲其族人所尊故稱宗子天子則天下所尊故稱之大宗

大尊 北史稱大尊

先民 禮記坊記篇先民有言鄭注先民謂上古之君也 尚書召誥篇相古先民有夏孔傳視古先民有夏之王以爲法

禾絹 宋書明帝紀中書舍人胡母顥專權奏無不可時人語曰禾絹閉眼諾胡母太張橐禾絹謂上也

困學紀聞十七評文誠齊爲張燾墓銘云今日士師非禾絹士師也蓋謂秦檜專政士師非主上之士師云爾

朝廷 漢書稱朝廷

車駕 漢書高宗紀是日車駕西都長安注凡言車駕者謂天子乘車而行不敢指斥也

乘輿 獨斷天子至尊不敢濫瀆言之故託之於乘輿至尊 張衡東京賦降至尊以訓恭李善注至尊天子

也 杜甫詩獨使至尊憂社稷諸君何以答昇平

爾雅疏君者至尊之號

元首 書股肱喜哉元首起哉孔安國傳元首君也

荃宰 文選宣德皇后令要不得不彊為之名使荃宰

有寄注庶使君主之情微有所寄也 楚辭荃不察

予之中情王逸注荃香草以喻君也鄧析子曰聖人

逍遙一世之間宰匠萬物之形

九重 楊慎古雋九陽數之極故天子稱九重

萬歲 漢書武帝登嵩山吏卒咸聞呼萬歲者三又

禮儀志百官賀正月二千石以上上殿稱萬歲

萬乘 孟子萬乘之國 湘山野錄真宗初种放至闕

敷對時中書盛服俟其來种止長揖而已楊大年嘲

之曰不把一言裨萬乘祇又雙手揖三公

人牧 孟子注謂牧民之君也

人主 漢書賈誼傳人主之尊譬如堂案 杜甫詩往時

上 遷史及班范二書帝紀多稱上 案此稱至

明上 案三國志稱君為明上 案以土二字古今文

主上 漢書司馬遷傳主上幸以先人之故

林 息烝 辟林爾雅見上 漢書律歷志云林君也屈

林原天問伯林雉經王逸注林君也詩文王烝哉漢

平都相蔣君碑於穆林烝實乾所生書辟不辟

穀梁文六年傳士造辟而言案以上三字古今文

字所罕用後世尤不敢以此形諸稱謂以本雅訓附

人列於此

一丈夫周書文傳解橫生盡以養從生從生盡以養

一丈夫注一丈夫天子也

黃中君李泌外傳有術士稱帝為黃中君

黃天子長篇西夏自稱青天子稱中國為黃天子

皇天子鮑宣傳宣上書曰陛下上為皇天子

新皇帝老學菴筆記今上初登極周丞相草儀注稱

新皇帝蓋創為文也

外域稱天子

撐犁孤塗王楙野客叢書撐犁天子也言匈奴號撐

犁人稱天子也案撐犁曰天孤塗曰子撐犁孤塗

四字合稱方是天子

可汗單于案可汗西域稱天子之謂見漢書又單

于亦天子之稱

震旦 涅槃經閻浮界內有震旦 案梵語稱天子者
宇文 北俗謂天子為宇文又因以為氏見蠡勺編單

天子祖母

太皇太后 漢書外戚傳漢興因秦之稱祖母稱太皇
太后 獨斷帝祖母曰太皇太后 後漢書輿服志
太皇太后皇太后法駕皆御金根加交路帳裳 魏
了翁古今考帝祖母則曰帝太太后或曰太皇太后
夫皇云者祭祀之所稱太云者後世以為父卒母存
之號

天子祖母古稱

帝太太后 漢書哀帝紀尊恭皇太后曰帝太太后
案帝之祖母也

太母 老學菴筆記太母祖母也猶謂祖為大父熙甯
元豐間稱曹太皇為太母元祐中稱高太皇為太母
皆謂帝之祖母元符中謂向太后為太母紹興中謂
韋太后為太母則非 案帝母門亦列此稱

天子父

太上皇帝 紹熙行禮記汝愚袖出所擬指揮以進曰

大皇帝有疾未能執喪曾有御筆直欲退閑皇子嘉王
 可即皇帝位尊皇帝為太上皇帝皇后為太上皇后
 憲聖覽訖曰甚好汝愚等再拜奏曰凡事今望太皇
 太后主張 案後魏獻文帝傳位於太子羣臣奏曰
 昔漢高帝稱皇帝尊其父曰太上皇明不統天下也
 大今皇帝幼冲萬幾大政猶宜陛下總之謹上尊號曰
 太上皇帝從之此天子之父稱太上皇帝之始也
 本朝會典載乾隆六十年 上諭明年元旦歸政後
 朕為太上皇帝嗣子為皇帝亦用此稱

天子父古稱

太公 太上皇 漢書高帝紀高祖五日一朝太公太
 公擁篲迎門卻行高祖大驚下扶於是尊為太上皇
 師古曰皇君也天子之父故號曰皇不預治國故不
 言帝也又引蔡邕曰不言帝非天子也 魏了翁古
 今考漢高祖起自亭長父太公謂父為太公者雖不
 見於經而齊世家云西伯獵遇呂尙曰吾太公望子
 久矣故號太公望以此知太公者古人以為父稱又
 家令說太公曰帝雖子人主也太公雖父人臣也奈

何令人主拜人臣上心善家令言賜黃金五百斤尊
 太公曰太上皇不惟古制所無且古亦未有太字後
 世加點以別大字於是人主之父皆稱曰太日知
 錄秦始皇本紀追尊莊襄王為太上皇是死而追尊
 之號猶周曰太王也漢則以為生號而後代並因之
 矣曲禮已孤暴貴不為父作諡或舉武王為難鄭康
 成答趙商曰周道之基隆於二王功德繇之王迹興
 焉不可以一概論也若夏禹殷湯則不然矣據此則
 漢高帝於太上王尊而不諡乃為得禮其追尊先媪
 為昭靈夫人當亦號而非諡也

上皇天帝 聖皇天帝 唐書肅宗紀即位于靈武尊

皇帝曰上皇天帝乾元元年上上皇天帝冊號曰聖

皇天帝

天子母

皇太后 漢書漢因秦之稱號帝母皇太后又外戚傳

帝母稱皇太后注后亦君也又見獨斷下 南史孝

武王皇后傳廢帝即位尊曰皇太后宮曰永訓 宋

史后妃傳英宗宣仁聖烈高皇后神宗立尊為皇太

后居寶慈宮哲宗嗣位尊為太皇太后驛召司馬光

呂公著又起文彥博於既老並命為相使同心輔政

臨政九年朝廷清明華夏綏定人以為女中堯舜

母后 聖母 本朝會典崇德八年 世祖章皇帝

嗣位尊 母后皇后為 皇太后 聖母為 皇太

后

天子母古稱

帝太后 漢書哀帝紀尊恭皇后曰帝太后 案帝之母 案

賈子等齊天子親號云帝太后諸侯親號云太后

大上皇后 宋孝宗紀從太上皇太上皇后幸於聚錦

園

天后 柴季通書敘指南晉后妃太后曰天后

堯母 趙僖仔傳昭帝妊身十四月迺生上命所生門

曰堯母門

文母 詩亦右文母

天地母 魏書宣武帝皇后胡氏傳有趙胡者善卜相

太云有大貴之表方為天地母坐天地主

天下母 後漢書馬皇太后云吾為天下母 劉禹錫

天賀表徽號極域中之尊仁慈為天下之母

太母 舊唐書憲宗后郭氏傳歷位七朝五居太母之

天尊 宋史王倫言於金將思謀曰歸我二帝太母復

我疆土 案太母稱太后時徽宗欽宗及太后皆為

金所劫

東朝 漢書灌夫傳東朝廷辨之注東朝太后朝也

慈宮 張守賀冊太皇太后表云正長樂之隆名奉慈

宮之寶位

慈極 玉海天聖二年上皇太后尊號詔曰發寶冊於

大庭奉鴻名於慈極

尊封列宮

皇貴太妃 貴太妃 太妃 太嬪 本朝會典禮部

尊封儀注載此諸稱皆所以 尊封 皇祖 皇

考之列宮也

尊封列宮古稱

皇太夫人 晉書禮志哀帝即位欲尊崇章皇太妃桓

溫議宜稱太夫人尚書僕射江彪議曰妃后雖是配

君之名然自后以下有夫人九嬪無稱妃桓公謂宜

進號太夫人非不允也如以夫人為少可言皇太夫人皇君也

皇太妃 馬氏通考宋後廢帝即位母陳氏尊為皇太妃

與服一如晉孝武李太妃故事宮曰宏化改諸國

太妃曰太姬

天子妻

皇后 后 獨斷下帝嫡妃曰皇后 詩序關雎疏天

子之妃惟稱后耳妃則上下通名 禮曲禮天子之

妃曰后疏言其後於天子亦以廣後省也 後漢書

皇后紀下在塗則稱后 白虎通商以前皆曰妃周

始立后正嫡曰王后秦漢曰皇后

中宮 周禮內宰疏漢舊儀稱皇后為中宮 唐書太

宗長孫皇后少好讀書正位中宮務崇節儉

天子妻古稱

元妃 晉書后妃傳爰自夏古是為元妃降及中年乃

稱王后

王后 白虎通春秋書迎王后於紀天下尊之故繫王

言之又云后者君也天子妃至尊故謂后也 釋名

天子之妃曰后后後也言在後不敢以副言也

母后 後漢東平憲王蒼傳若其辭至戚去母后豈欲

苟立名行而忘親遺義哉 魏志后妃傳序魏因漢

法母后之號皆如舊制

椒房 應劭漢官儀皇后稱椒房取其實蔓延盈升以

椒塗室取溫暖祛惡氣也 唐書長孫無忌與上為

布衣交加以外戚有佐命功上委以心腹欲相者數

矣后固請曰妾備位椒房貴寵極矣誠不欲兄弟執

國政呂霍上官可為切骨之戒

殿下 石林燕語制獨天子稱陛下殿下則諸侯皆得

通稱至唐初制令惟皇后皇太子稱殿下

孃孃 小知錄孃孃母后也 龍川雜志仁宗謂劉氏

為大孃孃楊氏為小孃孃

大孃 韓魏公傳云宮中稱郭后為大孃劉妃為小孃

是皇家如是稱 案孃字俗書古無當作孃今則民

間通稱矣

國臣無矣

景皇案以其

大城 韓縣

欲大頭感

小賦給

嚴無全

與不

稱謂錄卷十

福州梁章鉅撰

列宮

皇貴妃 明史禮志冊妃之儀自洪武三年冊孫氏為

貴妃定皇帝不御殿承制官宣制曰妃某氏特封某

妃命卿等持節行禮但授冊無寶餘並如中宮儀永

貴樂七年定冊妃禮皇帝皮弁服御華蓋殿傳制至宣

宗立孫貴妃始授寶憲宗封萬貴妃始稱皇非洪武

之舊矣 案 本朝 皇貴妃位在 貴妃上 貴

妃位在 如上本冊封之禮 皇貴妃以冊 寶

宗妃以冊印

貴妃 齊書建元三年有司奏置貴嬪夫人貴妃為三

夫人 案隋書以貴妃淑妃德妃為三夫人品正第

貴唐書百官志注云武德立四妃一貴妃二淑妃三

皇德妃四賢妃位次后之下元宗以為后妃四星其一

正后不宜更有四妃乃改定三妃之位惠妃一麗妃

二華妃三下有六儀美人才人四等

妃 史記索隱黃帝立四妃象后妃四星皇甫謐云元

妃西陵氏女曰累祖生昌意次妃方雷氏女曰女絕

生青陽次妃彤魚氏女夷鼓一名昌林次妃嫫母

案馬氏通攷載帝嚳四妃亦稱元妃次妃惟虞舜娶

堯之二女長娥皇次女英舜升天子娥皇為后女英

為妃是太古皇后列宮並稱曰妃至舜而始有后稱

乃以妃位次之耳六朝有貴妃之稱前明又增皇字

而 本朝因之故單稱曰妃者其位在 皇貴妃

貴妃之下焉

嬪 禮曲禮天子有嬪又昏義九嬪 周禮九嬪掌婦

學之法以教九御後漢書九嬪掌四德 宋書泰始
三年以淑媛淑儀淑容昭華昭儀昭容修華修儀修
容爲九嬪 齊書復置昭儀位在九嬪 北史河清
新令光猷昭訓隆徽爲上嬪比三卿宣徽凝暉宣明
順華凝華光訓爲下嬪比六卿 隋書嬪三員掌教
四德視正三品又順儀順容順儀修儀修容修華充
儀充容充華是爲九嬪品正二 唐書百官志注唐
因隋制昭儀昭容昭媛修儀修容修媛充儀充容充
媛各一人爲九嬪正二品 案禮記曲禮嬪位在世

婦之下妻妾之上而昏義嬪位在夫人之下世婦之
上據周禮九嬪鄭注載御見之法女御八十一人當
九夕世婦二十七人當三夕九嬪九人當一夕三夫
人當一夕后當一夕位次與昏義合則周制九嬪位
在夫人下也三國魏文帝時有貴嬪之稱位次皇后
六朝亦然明史禮志嘉靖十一年帝册九嬪禮觀上
儀注先曰所司陳設儀仗如朔望儀至期皇帝具袞
冕告太廟世廟訖易皮弁服御華蓋殿百官公服入
行禮正副使朝服承制舉節册至九嬪宮九嬪迎於

宮門外隨至拜位女官宣冊九嬪受冊先後八拜送
節出宮門後命九嬪隨具服候皇后率詣奉先殿謁
告及詣皇帝皇后前謝恩俱如冊妃禮惟圭用次玉
穀文銀冊少降於皇妃五分之一二則嬪位在妃下
矣夫本朝嬪位亦在妃下而冊封皆制以金惟
無實印及不告奉先殿其禮略有不同詳見會典
貴人後漢書清河王慶傳母宋貴人供奉長樂宮身
執饋饌又馬后紀有司奏立長秋宮皇太后曰馬
貴人德冠後宮卽其人也案後漢皇帝紀敘論六

宮稱號惟皇后貴人貴人金印紫綬奉不過粟數十
斛又置美人宮人采女三等並無爵秩歲時賞賜充
給而已據此則東漢定制皇后之下卽貴人也本
朝貴人位在妃嬪之下而貴人之下卽是常在
答應同此一稱而位之尊卑與東漢時異矣
常在 答應 案會典有此二稱位在貴人之下蓋未
有爵秩僅供使令猶前漢之家入子後漢之宮人采
夫女是也明史御前近侍太監有答應長隨諸稱今以
爲宮女之稱耳

列宮古稱

夫人禮曲禮天子有后有夫人又昏義古者后立六宮三夫人漢書妾皆稱夫人案三國志魏太祖建國王后之下五等有夫人有昭儀有婕妤有容華有美人其夫人位居后下與周禮同而不拘於三人北史河清新令以宏德正德崇德爲三夫人齊書以貴嬪夫人貴妃爲三夫人隋書以貴妃淑妃德妃爲三夫人則竟仿周禮互詳貴妃貴嬪注

世婦周禮世婦掌祭祀賓客喪紀之事帥女官而濯漑爲粢盛案曲禮天子有世婦位在嬪上夫人下

昏禮二十七世婦位在九嬪下與周禮合北史河清新令內命婦正華令則修訓曜儀明淑芳華敬婉昭華光正昭甯貞範宏徽和德宏猷茂光明信靜訓曜德廣訓暉範敬訓芳猷婉華明範豔儀暉則敬信爲二十七世婦比從三品隋書世婦九員掌賓客祭祀視正五品文獻崩後始增世婦二十七員煬帝時婕妤二十二員品正第三美人才人一十五員品

正第四是爲世婦

御妻 女御 禮昏義八十一御妻 周禮女御掌御

大敘於王之燕寢 案昏禮御妻周禮女御皆位次九

嬪下是御妻卽女御也曲禮天子有妻有妾鄭注云

妻八十一御妻周禮謂之女御以其御敘於王之燕

寢妾賤者則曲禮所謂妻妾亦卽此也 北史河清

新令穆光茂德貞懿曜光貞凝光範令儀內範穆閨

婉德明婉艷婉妙範暉章敬茂靜肅瓊章穆華慎儀

妙儀明懿崇明麗則婉儀彭媛脩閑修靜宏慎豔光

漪容徽淑秀儀芳婉貞慎明豔真穆修範肅容茂儀

英淑宏豔正信凝婉英範懷慎修媛良則瑤章訓成

潤儀甯訓淑懿柔則穆儀修禮昭慎貞媛肅閨敬順

柔華昭順敬甯明訓宏儀崇敬修敬承閑昭容麗儀

閑華思柔媛光懷德良媛淑猗茂範良信豔華徽娥

肅儀妙則爲八十一御妻比正四品 隋書女御三

十八員掌女工絲枲視正七品文獻崩後始增女御

八十一員煬帝時寶林二十員品正第五御女二十

四員品正第六采女三十七員品正第七是爲女御

昭儀 漢書外戚傳昭儀位視丞相爵比諸侯王 案

漢制除皇后自昭儀以下十四等昭儀為六宮之最尊者其上即是皇后魏制則昭儀爵比縣侯在淑媛下昭華上名與漢同而爵比漢降矣宋書九嬪位視九卿昭儀第五

倅仔 漢書孝成班倅仔傳為倅仔居增成舍注後宮有八區增成第三也又馮昭儀傳元帝幸虎圈鬪獸熊逸出圍馮倅仔直前當熊而立問故對曰猛獸得人而止故以身當之 案漢制倅仔視上卿比列侯位在昭儀下姪娥上魏制倅仔視中二千石位在候

儀下容華上

姪娥 漢書姪娥視中二千石比關內侯 案位在倅

仔下俗儻上

俗儻 漢書俗儻視真二千石比太上造 案位在姪

娥下美人上文選西都賦六臣注及後漢書注並作

容華魏志亦作容華位在倅仔下美人上

美人 史記萬石君傳高祖問曰若何有對曰家貧有

姊能鼓琴高祖召其姊為美人 案漢書美人視二

千石比少上造位在俗儻下八子上

八子 漢書八子視千石比中更 案位在美人下充

依上

充依 漢書充依視千石比左更 案位在八子下七

子上文選六臣注及後漢書注依並作衣

七子 漢書七子視八百石比右庶長 案位在充依

下良人上

良人 漢書良人視八百石比左庶長 案位在七子

下長使上

長使 漢書長使視六百石比五大夫 案位在良人

下少使上

少使 漢書少使視四百石比公乘 案位在長使下

五官上

五官 漢書五官視二百石 案位在少使下順常上

順常 漢書順常視二百石 案位在五官下無涓上

無涓 漢書無涓視百石師古曰涓潔也無涓言無所

不潔也

共和 漢書共和視百石師古曰共讀曰恭言恭順而

和柔也

娛靈 漢書娛靈視百石師古曰娛靈可娛樂情靈也

保林 漢書保林視百石師古曰保安也言其可安眾

如林也 案保林隋書禮儀志作寶林

良使 漢書良使視百石師古曰良使使令之善也

案後漢皇后紀注良使作良娣使

夜者 漢書夜者視百石師古曰夜者主職夜事 案

後漢書注作夜君

上家人子 中家人子 漢書上家人子中家人子視

有秩斗食云師古曰家人子者言采擇良家子以入

宮未有職號但稱家人子也

宮人 阿房宮賦為秦宮人 南史元帝之臨荊州有

宮人李桃兒者以才慧得進後還荊州世所謂西婦

內人者 南部烟花記一士人娶得陳宮人夜炷火

則惡烟氣易以蠟復惡其影士人因詰之汝後宮何

以照夜曰懸大珠一顆耳

彩女 後漢書皇后紀序光武置美人宮人彩女二等

並無爵秩

貴嬪 南史梁武丁貴嬪傳武帝鎮懋城常登樓望見

漢濱五采如龍下有女子澣統則貴嬪也帝贈以金

環納之魏志貴嬪夫人位次皇后爵無所視宋

書孝建三年進貴嬪位次丞相美人宮人淑媛之

淑妃魏志淑妃位視相國爵比諸侯王案此稱魏

明帝始增之位在夫人下淑媛上因謂之淑媛

淑媛魏志淑媛位視御史大夫爵比縣侯案此稱

魏文帝始增之位在淑妃下昭儀上宋書九嬪淑媛

第一昭華魏志昭華比鄉侯案此稱魏明帝始增之位

在昭儀下修容上宋書九嬪昭華第四案此稱魏文帝始增之位

修容魏志修容比亭侯案此稱魏文帝始增之位

在昭華下修儀上隋書九嬪修容第五宋書九嬪修

容第九案此稱魏明帝始增之位

修儀魏志修儀比關內侯案此稱魏明帝始增之位

位在修容下婕妤上宋書九嬪修儀第八案此稱魏明帝始增之位

順成案魏志此稱文帝所增順成位在修容下良人

上明帝除之案此稱魏明帝始增之位

才人魏志明帝紀注於列殿之北立八坊諸才人以

次處其中。唐書武宗賢妃王氏傳妃年十三入宮。中穆宗以賜穎王開成末王嗣帝位進號才人。又唐書武宗五才人善歌舞狀織頤頤類帝。宋書晉置才人爵視千石以下。西陽雜俎莫才人能為秦聲當時號為莫才人。案漢魏後宮爵秩皆無才人之稱。胡文煥事物紀原云南史謂晉武帝采漢魏之制三夫人外有才人以為晉武所置而通典內命婦職漢有才人則疑漢置。今據志注中所云則才人之稱始始於魏。當日如漢家人子未有爵秩至六朝而才人之位始尊耳。

六儀。唐書六儀六人正二品淑儀德儀賢儀順儀婉儀芳儀。

婉容。宋會要大中祥符六年正月二十一日真宗增淑儀以下至婉容凡六官並從一品在昭儀之上。

女尚書。唐書百官志注六尚亦曰諸尚書。女侍中。金石錄趙彥深母傅太妃碑額題齊故女侍中。

中宜陽國貞穆太妃傅氏碑。案北史後魏女侍中視二品本後宮嬪御之職今以宰相母為之。亦不但宰相母。

也如清河王岳母山氏封郡君授女侍中入侍皇后

元父之妻亦拜女侍中封新平縣君此類不一並見

野客叢書

梳頭夫人 聞見錄仁宗好用導引術理髮有宮人能

之號曰梳頭夫人

上嬪 隋書禮儀志北齊每歲元鳥至日皇帝親帥六

宮皇帝初獻皇后亞獻夫人終獻上嬪獻于祿神

承衣 刀人 隋書后妃傳又有承衣刀人皆趨侍左

右並無員數視六品以下時有增置

六尚 二十四司 二十四典 二十四掌 明史女

官六局尚宮局尚宮二人正五品六尚並同尚宮掌

導引中宮凡六局出納文籍皆印署之若徵辦於外

則為之請旨牒付內官監監受牒行移於外領司四

司記一人正六品典記二人正七品掌記二人正八

品掌宮內諸司簿書出入錄目番署加印然後授行

女史六人掌執文書凡二十四司二十四典二十四

掌品秩並同司言二人典言二人掌言二人女史四

人掌傳宣啟奏凡令節外命婦朝賀中宮司言傳旨

司簿二人典簿二人女史六人掌宮人名籍及廩賜之事司闈六人典闈六人掌闈六人女史四人掌宮闈管鍵之事尚儀局尚儀二人掌禮儀起居事領司四司籍二人典籍二人掌籍二人女史十人掌經籍圖書筆札几案之事司樂四人典樂四人掌樂四人女史二人掌音樂之事司賓二人典賓二人掌賓二人女史二人掌朝見宴會賜賚之事司贊二人典贊二人掌贊二人女史二人掌朝見宴會贊相之事彤史二人正六品掌宴見進御之事凡后妃羣妾御於

君所彤史謹書其月日尚服局尚服二人掌供服用采章之數領司四司寶二人典寶二人掌寶二人女史四人賞寶璽符契司衣二人典衣二人掌衣二人女史四人掌衣服首飾之事司飾二人典飾二人掌飾二人女史二人掌巾櫛膏沐之事司仗二人典仗二人掌仗二人女史二人凡朝賀帥女官擊執儀仗尚食局尚食二人掌膳羞品齊之數凡以飲食御進尚食先嘗之領司四司膳四人典膳四人掌膳四人女史四人掌割烹煎和之事司醞二人典醞二人掌

醞二人女史二人掌酒醴醢飲之事司藥二人典藥
二人掌藥二人女史四人掌醫方藥物司饌二人典
饌二人掌饌二人掌廩餼薪炭之事尚寢局尚寢二
人掌天子之宴寢領司四司設二人典設二人掌設
二人女史四人掌牀帷茵席汎掃張設之事司輿二
人典輿二人掌輿二人女史二人掌輿輦繖扇之事
司苑二人典苑二人掌苑二人女史二人掌園圃種
植花果事司燈二人典燈二人掌燈二人女史二人
掌燈燭事尚功局尚功二人掌督女紅之程領司四
司製二人典製二人掌製二人女史四人掌衣服裁
製縫紉之事司珍二人典珍二人掌珍二人女史六
人掌金玉寶貨司綵二人典綵二人掌綵二人女史
六人掌繒絲絮之事司計二人典計二人掌計二
人女史四人掌度支衣服飲食柴炭之事

宮正 司正 典正 明史宮正一人正五品司正二
人正六品典正二人正七品掌糾察宮闈戒令謫罰
之事大事則奏聞女史四人記功過

太子

皇太子 唐會要咸亨四年七月皇太子新宮成 唐

書禮志皇太子加元服九品以上皆詣東宮朝堂宮

臣皆朝服其餘公服集於重明門外朝堂

太子 白虎通爵天子之子稱太子

東宮 詩東宮之妹正義太子居東因以東宮表太子

初學記引徐廣東宮頌曰禮樂承軒典册授庭命

服惟九龍旂鸞旌 長安志東宮者太極宮中

青宮 柳宗元賀皇太子箋殿下祗膺茂典位副青宮

神異經東海外有東明山有宮焉左右有闕其高百

尺建以五色青石門焉牆面一門門有銀榜以青石

碧鏤題曰天地長男之宮 唐書藝文志儒家類有

青宮紀要三十卷少陽政範三十卷列藩正論三十

卷皆武后撰

春宮 汪藻賀皇太子箋顯膺典册升位春宮

春坊 唐書藝文志故事類有春坊舊事三卷 失姓又

杜正倫春坊要錄四卷

東朝 顏延之讌曲水詩君彼東朝

儲宮 潘正叔贈陸機出為吳王郎中令詩羽儀儲宮

儲極 唐書奉天皇帝琮傳朕昔踐儲極

儲嫡 後漢安帝紀注儲嫡謂太子也

儲闈 劉禹錫賀皇太子牋祗膺詔冊光啟儲闈

儲君 唐書明皇帝嘗命安祿山見太子祿山不拜左

右趨之拜祿山曰太子何官上曰此儲君也朕千秋

萬歲後代朕君汝者也祿山曰臣愚惟知有陛下一

人不知更有儲君不得已然後拜

儲貳 晉書成都王穎傳皇太子國之儲貳賈謐何得

無禮 唐會要太宗謂太子曰爾國之儲貳府藏是

司金玉綺羅不足為賜但先聖典籍可為鑒誠耳

山堂肆攷宋至道初上謂李至等曰太子立為儲貳

當須正人輔之

儲副 漢疏廣曰太子國之儲副 唐書唐太宗欲以

吳王恪為太子無忌曰女子治仁厚真守文良主儲

副至重豈可數易乃止

儲兩 魏書肅宗紀潘充華有孕椒宮冀誕儲兩而熊

羆無兆維虺遂彰

東儲 西齊書太子曰東儲

元儲 抱朴子帝之元儲必入太學

副兩 唐明皇立皇太子制承之副兩所以安固宗祧

嗣適 左傳君之嗣適不可以帥師

正適 晉書禮志尚書令卞壺議以為周禮王后太子

不會明禮同於君皆所以重儲貳異正適

正體 顏延年曲水讌詩正體毓德於少陽注正體太

子也

太子古稱

孟侯 尚書大傳天子太子年十八曰孟侯

冑子 書教冑子傳冑長也謂世子也

元子 禮記天子之元子

丕子 書是有丕子之責于天 案丕子即元子

世子 孟子注世子太子也

冢子 左傳太子奉冢祀社稷之粢盛故曰冢子君行

則守有守則從從曰撫軍守曰監國

子 雜記上君薨太子號稱子注太子踰年乃得稱君

副君 文心雕龍文帝以副君之重妙善詞賦 唐書

藝文傳劉選遷太子詹事啟曰殿下位副君非以尋

摘章句

副后 梁元帝賦惟天縱于副后

副主 漢書史丹傳贊史丹之輔導副主 後漢桓榮

傳古今儲君副主莫能專精博學

儲皇 潘安仁為賈謐作贈陸機詩儲皇之選

元良 禮賢太子曰元良 東軒筆錄太宗以元良未

立雖意在真宗尚欲遍知諸子遂命陳搏歷抵王宮

以相諸王搏回奏曰壽王真他日天下主也是時真

宗為壽王

殿下 謝莊慶皇太子元服表伏惟皇太子殿下又南

北朝高允謝太子晃曰誠荷殿下再造之慈已見上

皇后門

小爺 明史癩人持梃入東宮事發陸夢龍訊之具供

云不知姓名老公參我已三年令我打上宮門打得

小爺喫有著有小爺者太子也

太子妻

皇太子妃 會典載 皇太子妃班次在 諸皇子福

晉前

再胃錄

卷十

七

妃 儲妃 初學記胡元範和太子納妃詩儲妃禮慶

優

太子妻古稱

良娣 漢書外戚傳太子有妃有良娣有孺子妻妾凡

三等魏晉以後咸遵焉 南史后妃傳太子宮置三

內職良娣比開國侯保林比五等侯才人比駙馬都

尉

良媛 唐書百官志太子內官良媛六人

皇諸子

皇子 史記三王世家皇子賴天能勝衣趨拜

皇長子 玉海宋政和四年二月二十七日皇長子行

冠禮於文德殿

阿哥 會典載雍正元年八月甲子 上諭稱二阿哥

之事又乾隆三年十月辛卯 上諭稱二阿哥永口

此皆稱 皇太子曰阿哥也又乾隆四十九年十二

月初六日 上諭稱六阿哥兼管內務府則 諸皇

子亦有稱阿哥者知阿哥當為 皇子之通稱

皇太孫

皇太孫 玉海唐永淳元年二月戊午立皇太孫王方

慶曰太子在而立太孫載籍未有

皇嫡孫 玉海宋乾道元年六月一日皇嫡孫生二十

七日百僚表賀三年六月九日封國公賜名

皇諸孫

皇孫 郭璞請布澤疏陛下上籌天意下順物情可因

皇孫之慶大赦天下

天孫 焦氏易林天孫帝子與日月處

皇曾孫 漢書宣帝紀皇孫生宣帝號曰皇曾孫每買

餅所從買家輒大售亦以是自怪

皇元孫 會典載乾隆四十九年正月十四日 上諭

皇長孫之子新歲可以得子朕慶抱元孫五世一堂

實為古稀盛事又載有皇元孫成婚禮

龍種 北史太子勇長子儼雲所生也初誕儼文帝聞

之曰此乃皇太孫何乃生不得地雲定與奏曰天生

龍種所以因雲而出人以為敏對 杜甫詩高帝子

孫盡隆準龍種自與常人殊

皇子皇諸子皇諸孫之妻

皇子福晉 皇孫福晉 皇曾孫福晉 皇元孫福晉

會典載 皇子成婚 皇孫成婚 皇曾孫成婚

皇元孫成婚禮有此諸稱

皇諸孫之妻古稱

家人子 漢書皇孫妻妾無號位皆稱家人子文帝聞

家人子

皇諸孫之妻古稱

皇諸孫之妻古稱

皇諸孫之妻古稱

稱謂錄卷十一

福州梁章鉅撰 男恭辰校刊

宗室

宗室 詩厭厭夜飲在宗在考毛傳夜飲必於宗室鄭

箋夜飲之禮在宗室同姓諸侯則成之又詩宗室牖

下毛詩太宗之廟也鄭箋祖廟既毀教於宗室 案

宗室二字蓋始於此

覺羅 會典宗人府凡 玉牒所載以 顯祖宣皇帝

本支為宗室伯叔兄弟之支為覺羅

皇弟 晉書武帝紀皇弟攸為齊王

帝弟 潘安仁詩帝弟作弼

介弟 沈約齊安陸昭王碑文况我君斯皇皇介弟

皇從父兄 晉書武帝紀皇從父兄洪為河間王

皇從父弟 晉書武帝紀皇從父弟楸為東平王

皇伯 宋史司馬光傳英宗詔兩制集議濮王典禮學

士王珪等相視莫敢先光獨奮筆書曰為人後者為之子不得顧私親王宜準封贈期親尊屬故事稱為

皇伯

皇叔 歸田錄燕王元儼太宗幼子也至仁宗即位以

皇叔之親特見尊禮

皇叔父 晉書武帝紀皇叔父幹為平原王

皇從伯父 晉書武帝紀皇從伯父望為義陽王

皇從叔父 晉書武帝紀皇從叔父輔為渤海王

皇族 晉書職官志宗正統皇族宗正圖牒

皇屬 晉書譙王承傳吾以闕短託宗皇屬

皇宗 魏書陽平王新成子欽傳欽字思若少好學時

人語曰皇宗略略壽安思若

帝屬 北史魏宗室遼西公意烈傳自以帝屬恥居跋

下

帝宗 唐書宗室孝節傳曾孫昂始為枝江丞張柬之

曰帝宗千里駒吾得其人

天族 慕容超載記天族多奇玉林多寶

天潢 曹固表分支若水疏派天潢

聖系 宋史樂志聖系彪鴻景命溥將

黃祚 子華子黃者軒轅二十五宗故黃祚衍於天下

宗周之王也姬姓之封者凡七十

貴者 周禮鄉大夫其舍者國中貴者司農注貴者謂

若今之宗室

公姓 詩振振公姓注公姓公孫也 王粲正攷父贊

身為國卿族則公姓

威屬 北史獻文六王傳元堪宗室威屬位居常伯正

使

宗英 漢書敘傳河間賢明禮樂是修為漢宗英

名宗子 書敘指南公孫瓚稱賢宗室曰名宗子

宗室老 書敘指南杜牧稱宗室曰宗室老

瓊枝班 解醒語親王謂之瓊枝班

金枝玉葉 山堂肆攷金枝玉葉謂王孫公子也見六

帖

仙源 宋四朝志修纂牒譜圖籍其別有五一曰仙源

宗室封爵各稱

親王 會典宗人府封爵等級宗室封爵之等十有四

一和碩親王又封爵表親王嫡子仍襲親王案陳

書凡親王起家則爲侍中隋書開皇中制國王郡王

諸稱凡九等至煬帝惟留王公侯三等餘並廢之皇

伯叔昆弟皇子是爲親王唐書皇兄弟皇子爲王皆

封國之親王宋史亦云皇子兄弟封國謂之親王

鐵帽子 案我朝禮親王睿親王肅親王鄭親王莊

親王豫親王順承郡王克勤郡王皆國初有大勲

勞者世襲不降封謂之鐵帽子王

世子 會典宗人府封爵等級二世子親王嫡子奉

特旨始封世子其未封世子者與餘子同授封爵

案古諸侯子皆稱世子如禮記有文王世子篇孟子

滕文公爲世子是也宋書諸王世子皆金印紫綬進

賢兩梁冠佩山元玉則六朝已稱宗室諸王之子為世子矣

郡王會典宗人府封爵等級二多羅郡王又封爵表

郡王嫡子仍襲郡王案晉書武帝踐阼封宣帝孫

永為東莞郡王唐書龍朔二年制諸王子嫡者封郡

王任職從四品下敘其眾子封郡公從五品上敘宋

史親王之子承嫡者為嗣王宗室近親承襲特旨

者封郡王

長子會典宗人府封爵等級四長子郡王嫡子奉

特旨始封長子其未封長子者亦與餘子同授封爵

貝勒會典宗人府封爵等級五多羅貝勒又封爵表

夙貝勒降襲貝子

貝子會典宗人府封爵等級六固山貝子又封爵表

貝勒降襲貝子

鎮國公會典宗人府封爵等級七奉恩鎮國公貝子

嫡子降封鎮國公

輔國公會典宗人府封爵等級八奉恩輔國公鎮國

公嫡子降襲輔國公輔國公嫡子仍襲輔國公

不入八分公 會典親王餘子考授不入八分公注云

謹案天命年間立八和碩貝勒共事議政各置官屬

凡朝會燕饗皆異其禮 賜賚必鈞及是為八分天

聰以後宗室內有 特恩封公及親王餘子授封公

者皆不入八分其有功加至貝子準入八分如有過

降至公仍不入八分又乾隆十三年定世子嫡子

恩封不入八分公

不入八分鎮國公 會典宗人府封爵等級九不入八

分鎮國公

不入八分輔國公 會典宗人府封爵等級十不入八

分輔國公不入八分鎮國公嫡子降襲不入八分輔

國公

一等鎮國將軍 會典郡王餘子考授一等鎮國將軍

乾隆十三年定世子餘子考授一等鎮國將軍長子

嫡子 恩封一等鎮國將軍宗人府封爵等級十一

鎮國將軍

二等鎮國將軍 會典貝勒餘子考授二等鎮國將軍

乾隆八年定親王側福晉子考授二等鎮國將軍十

三年定長子餘子考授二等鎮國將軍

三等鎮國將軍 會典貝子餘子考授三等鎮國將軍

又不入八分輔國公嫡子降襲二等鎮國將軍乾隆

八年定郡王側福晉子考授三等鎮國將軍十三年

定世子側福晉子考授三等鎮國將軍

一等輔國將軍 會典鎮國公餘子考授一等輔國將

軍又一二三等鎮國將軍嫡子各降襲一二三等輔

國將軍乾隆八年定貝勒側室子考授一等輔國將

軍十三年定長子側福晉子考授一等輔國將軍宗

人府封爵等級十二輔國將軍 案杜氏通典後漢

獻帝置輔國將軍以伏完爲之晉王濬平吳後拜輔

國大將軍唐時輔國大將軍爲武散官

一等輔國將軍 會典輔國公餘子考授二等輔國公

乾隆八年定貝子側室子考授二等輔國將軍

三等輔國將軍 會典不入八分輔國公餘子均考授

一二三等輔國將軍又一二三等鎮國將軍餘子均考授

一二三等輔國將軍乾隆八年定鎮國將軍側室子考授

一二三等輔國將軍又十三年定封爵表親王別室所居

妾媵子考授三等輔國將軍不入八分鎮國公餘子考授三等輔國將軍

一等奉國將軍 會典一二三等輔國將軍嫡子各降

襲一二三等奉國將軍乾隆八年定輔國公側室子考授一等奉國將軍宗人府封爵等級十三奉國將軍

二等奉國將軍 見上注

三等奉國將軍 見上注又一二三等輔國將軍餘子均考授二等奉國將軍乾隆十二年定世子妾媵子

考授二等奉國將軍郡王妾媵子亦考授二等奉國將軍

奉恩將軍 會典一二三等奉國將軍嫡子均降襲奉

恩將軍餘子均考授奉恩將軍其奉恩將軍既無可降之品級將奉恩將軍嫡妻所生子但準一子考試

承襲奉恩將軍餘子停封酌量優者奏請考試準食王雲騎尉俸又乾隆十三年定長子之妾媵子考試授

奉恩將軍又貝勒貝子之妾媵子亦並考授奉恩將軍見封爵表宗人府封爵等級十四奉恩將軍

宗室古封爵各稱

案古時宗室封爵兼用公侯諸稱與異姓無別宜與卷十一各

等封爵類參看

王 侯 諸侯王 諸侯 馬氏通考漢興設爵二等

曰王曰侯皇子而封為王者其實古諸侯也故謂之

諸侯王王子封為侯者謂之諸侯

縣王 魏志黃初五年詔曰先王建國隨時而制漢祖

未增秦所置郡至光武以天下損耗並損郡縣今以比

之益不及焉其改封諸王皆為縣王

嗣王 藩王 陳書皇弟皇子府置長史等官其嗣王

藩王則遞減之一宋史親王之子承嫡者為嗣王

公 後漢書光武紀封皇子輔為右翊公英為楚公陽

為東海公 唐書膠東郡王道彥傳太宗即位舉屬

籍問大臣曰盡王宗子於天下可乎封德彝曰漢所

封惟帝子若親昆弟其屬遠非大功不立如周郇滕

漢賈澤尚不得蒞土所以別親疎也於是疎屬王者

皆降為公

縣公 唐書江夏王道宗傳弟道興武德初爵廣陵郡

王以屬疎降封縣公

國公 宋史宗室祖宗後承襲及特旨者封國公

郡公 唐書諸王衆子封郡公從五品 宋史宗室近

親並封郡公又皇屬特郡公縣或賜侯者無開國字

注云侯亦在開國郡公之上

鄉公 鄉侯 亭伯 魏志黃初三年初制封王之庶

子爲鄉公嗣王庶子爲鄉侯公之庶子爲亭伯

伯 子 男 晉書非皇子不得爲王而諸王之支庶

皆皇家之近屬至親亦各以土推恩受其大國次國

始封王之支子爲公承封王之支子爲侯繼承封王

之支子爲伯小國五千戶始封王之支子及始封公

侯之支子皆爲男

都督 刺史 唐書荆王元景傳正觀十一年詔荊州

都督荆王元景鄭州刺史鄭王元懿等所任州刺史

並功臣令世襲令長孫無忌等固辭遂廢不行又太

宗本紀正觀十一年六月己未以諸王爲世封刺史

十三年二月庚子停世封刺史

藩房 謝眺辭隨王詩清切藩房注藩房王府

藩后 西京雜記羊勝屏賦曰藩后宜之壽考無疆

材王 唐書越王貞傳貞善騎射涉文史有吏幹為宗

室材王

太保 宋史周王元儼傳少奇穎太宗特愛之不欲早

出宮期以年二十始就封故宮中稱為二十八太保

蓋元儼於兄弟中行第八也

南班 洪邁容齋隨筆南班宗室自來只以本官奉朝

請

橫帳 遼史國語解德祖族屬號二父房稱橫帳宗室

之尤貴者

宗室妻

親王福晉 世子福晉 郡王福晉 夫人 淑人

恭人 會典順治十七年定親王及世子郡王妻封親

王福晉世子福晉郡王福晉長子貝勒至輔國將軍

妻封夫人奉國將軍妻封淑人奉恩將軍妻封恭人

宗室妾

側福晉 側室 會典親王側福晉四人世子郡王三

人長子貝勒側室二人貝子及鎮國公輔國公一人

冠服降嫡福晉正室一等 案親王世子郡王妻曰

嫡福晉妾曰側福晉長子貝勒以下皆稱正室側室

宗室妻古稱

國夫人 杜氏通典大唐外命婦之制諸王母妻及妃為國夫人

妃 杜氏通典唐開元八年五月勅準令王妻為妃又

貞元六年太常卿崔縱奏諸國王母未有封號請遵

典故為某國太妃

太儀 杜氏通典吏部郎中柳冕等狀稱歷代故事及

六典無公主母稱號伏請降於王母一等命為太儀

各以公主本封加太儀之上從之

公主

固倫公主 和碩公主 會典皇女由中宮出者曰固

倫公主由妃嬪出者曰和碩公主如中宮撫宗室女

下嫁亦曰和碩公主

皇女 歸田錄皇女為公主其夫必拜駙馬都尉 歐

陽修論美人張氏恩寵宜加裁損劄子臣近風聞禁

中因皇女降生於左藏庫取綾羅八千疋染院工匠

當此苦寒之際敲冰取水染鍊供應頗甚艱辛

公主古稱

公主 獨斷上帝之女曰公主 案初學記周天子嫁

女於諸侯至尊不自主婚必使諸侯同姓者主之始

謂之公主 又案魏書賈秀傳丞相乙渾妻庶姓而

求公主之號屢言於秀秀對曰公子之稱非庶姓所

宜乙渾夫妻默然

縣公主 漢書皇女皆稱縣公主儀服同列侯其尊崇

者加號長公主儀服同藩王

長公主 漢昭帝紀帝姊鄂邑公主為長公主又漢書

外戚傳竇姬男最長立為太子女為長公主 臧榮

緒晉書賈后二女宣華女彥封宣華宏農郡主女彥

年八歲后欲議封長公主彥曰我尚小未及成人禮

不用公主

大長公主 唐書女為公主姊為長公主皇姑為大長

公主皆封國親正一品 公主曰天驕亦曰公主

王姬 詩小序何彼穠矣美王姬也雖以王姬亦下嫁

於諸侯猶執婦道以成肅雝之德又曷不肅雝王姬

之車 春秋魯莊公元年築王姬之館於外

帝姬 宋史公主傳政和三年改公主號為帝姬郡王

為宗姬縣主為族姬又蔡京子儼尚徽宗皇帝女茂

德宗姬注帝時特改公主曰帝姬

天姬 寵主 山堂肆考公主曰天姬亦曰寵主

君主 丹鉛錄秦始以君主妻河君主猶後世公主也

貴主 李適侍宴安樂公主山莊應制詩貴主稱觴萬

年壽 柴季通書敘指南竇憲稱公主曰貴主

太主 王主 漢書東方朔傳帝姑館陶公主號竇太

主又帝始名王主

主家 通鑑宋太祖性節儉皇女永甯公主衣貼繡鋪

翠襦入宮帝曰主家服此宮闈必相效法成風

宅家子 陳李濟翁資暇錄公郡縣主宮禁號為宅家

子

任 漢書王莽傳其女皆為任又云辟任附城食其邑

注辟君也任公主也

天女 史記天官書注織女一名天女天子女也

帝子 楚辭帝子降兮北渚注帝子謂堯女也 馬懷

素送金城公主適西蕃應制詩帝子今何在重姻適

異方

宗室女

郡主 縣主 郡君 縣君 鄉君 宗女 會典親

王女和碩格格曰郡主 郡王女多羅格格曰縣主 貝

勒女多羅格格曰郡君 貝子女固山格格曰縣君 入

八分鎮國公輔國公女曰鄉君 貝子入八分公側室

所生之女曰宗女

格格 見上注

宗室女古稱

翁主 山堂肆考天子女尊合同姓代主婚故曰公主

諸王女卑自主之故曰翁主 案漢書師古注云天

子不親主婚故謂之公主 諸侯即自主婚故其女號

翁主 翁者父也

鄉亭翁主 漢書諸王女皆封鄉亭翁主 儀服同鄉亭

侯

駙馬

固倫額駙 和碩額駙 會典乾隆四十年 諭額駙

等向係照公主封號授為固倫額駙和碩額駙惟公

主所生之子未經定例賞給品級此內如下嫁蒙古王公之公主所生之子本名有應得品級毋庸另爲辦理至在京公主所生之子若不授以品級於體制殊未允協嗣後在京公主所生之子至十三歲時如係固倫公主所生卽給予伊父固倫額駙品級和碩公主所生卽給予伊父和碩額駙品級著爲令

駙馬古稱

駙馬 副馬 漢書百官表駙馬都尉掌駙馬武帝初置秩比二千石注駙馬副也非正駕車皆爲副馬

初學記魏晉之後尙公主皆拜駙馬都尉 趙葵行

營雜錄皇女爲公主其夫必拜駙馬都尉故謂之駙

馬 南史袁樞傳凡尙公主必拜駙馬都尉魏晉以

來因爲瞻準 池北偶談懶真子云御馬之副謂之

駙馬杜預尙主武帝拜鎮南大將軍給追鋒車第二

駙馬吾鄉有爲尙書子婿者與婦兄同赴京師一日

向友人訴廢吏云婦兄馬肥吾馬獨瘦友人答云彼

正馬也君駙馬耳那得一例合座大笑此雖戲語深

合故實 案說文駙副馬也一曰近也或取其扈從

親近耳然古來凡宗室女封郡主者謂其夫爲郡馬
縣主者其夫爲縣馬又不知何義也又考駙馬都尉
漢武初置掌御馬歷兩漢皆以宗室故外戚與諸公
子孫任之魏晉始有以主婿爲之者至唐以後則專
爲尙主者之職

都尉 李白贈獨孤駙馬詩都尉朝天躍馬歸

列侯 漢書漢制以列侯尙公主王吉曰漢家列侯尙
公主諸侯則國人承翁主使男事女夫詘於婦逆陰
陽之位故多女亂

帝婿 後漢書馬援傳梁伯孫帝婿貴重 北史楊素
傳朝廷靡然莫不畏附惟兵部尙書柳述以帝婿之
重數於上前面折素

主婿 晉書王濟傳濟善於清言修飾辭令諷議將順
朝臣莫能尙焉帝益親貴之仕進雖速論者不以主
婿之故咸謂其才能致之

國婿 宣和書譜蔡凝字子居以名公子選尙高宗女
信義公主拜駙馬都尉凝家世貴顯又身爲國婿旣
不爲膏梁紈綺所移而字畫秀潤風致尙可追步晉

人
國婚南史荀羨年十五擬國婚之選後尚潯陽公主

禁鬻 晉史謝混傳袁崧欲以女妻之王珣曰卿莫近

禁鬻初元帝鎮建業公私窘罄每得一狔以為珍膳

頂上一鬻尤美輒以薦帝羣下未嘗敢食於時呼為

禁鬻故珣因以為戲混後竟尚主 李頎詩君為禁

鬻客 李商隱詩南朝禁鬻無人近

粉侯 宋史刑法志俗稱駙馬為粉侯人以王師約故

呼其父堯臣為粉父又表異錄文及甫抵書邢恕謂

駙馬韓嘉彥兄忠彥為粉昆

宗室壻古稱

郡馬 縣馬 趙葵行營雜記宗室女封郡主者夫為

郡馬封縣王者夫為縣馬

裙帶官 池北偶談宋時親王南班之壻號曰西官又

謂之裙帶官見朝野類要

外戚

后父 後漢書桓譚傳傳王后父孔鄉侯晏深善於譚

譚曰君侯以后父尊重而多賓客必借以重勢貽致

譏議 漢書外戚恩澤侯表序后父據春秋褒紀之義 案春秋桓四年秋七月紀侯來朝何休注曰稱侯者天子將娶於紀故封之百里

后母 會典禮部大婚納采之禮 皇后邸設納采燕

皇命特命公主大臣命婦燕后母於內大婚之日

皇太后御慈甯宮 賜后母及其親屬燕公主福

晉夫人大臣命婦皆與

后祖父 后祖母 會典康熙四年 聖祖仁皇帝大

婚禮是日 賜后祖父母父母衣服各跪受訖后祖

父率子弟於堂之南后祖母率諸婦於堂之北行謝

恩禮如儀

一等公 二等公 會典吏部原定外戚推恩 皇太

后 皇后之父 特封一等公歿者追贈其子孫世

襲罔替由該旗具奏承襲各部乾隆四十三年 諭

后族承襲世爵向來俱準一等公此等特因椒房至

戚恩澤加封其與佐命功臣櫛風沐雨拓土開疆者

實難並論况宗室王公以近支恩封者尙以世次遞

降而外戚轉得以崇封延世未免過優著將所有承

恩公爵俱改為三等公世襲罔替著為令

外戚古稱

外戚 史記有外戚世家漢書有外戚列傳

外舍 後漢和熹鄧后紀宮禁至重而使外舍久在內

省誠不願也注外舍外家

宗家 周陽由傳由以宗家任為郎注與國家有外戚

姻屬比於宗室故云

姻臣 書敘指南沈賢國戚曰姻臣

國姻 王蘊傳以舒國姻之重 劉禕之詩德優辰念

遠禮備國姻崇

國舅 遼史百官志南宰相府掌佐理軍國之大政國

舅五帳世預其選

國甥 魏書奚斤傳庫仁以國甥恃寵

妃母 北史宋 王延宗納趙郡李祖收女為妃後帝

幸李宅妃母宋氏薦石榴於帝帝投之魏收曰石榴

房中多子王新婚妃欲子孫眾多耳帝大喜詔收卿

小還將來並賜收美錦二疋

特進侯 漢書儀皇后父兄率為特進侯朝會位次三

公

小侯 漢書明帝紀為四姓小侯開立學校注為外戚

樊氏郭氏陰氏馬氏諸子弟立學號四姓小侯以非

列侯故曰小侯

逍遙公 韋嗣立傳營別第驪山英武谷帝臨幸命從

官賦詩因封嗣立逍遙公

太上君 魏書外戚傳胡國珍靈太后父也太后臨朝

封安定公追崇其妻為秦太上君

椒蘭班 解醒語外戚謂之椒蘭班

恩戚家子 宋書蕭惠開傳外祖劉成戒之曰汝恩戚

家子當應將迎時俗緝外內之數

太監

宮殿監督領侍 會典內務府太監品級宮殿監督領

侍正四品

宮殿監正侍 會典宮殿監正侍從四品即總管

總管 見上注

宮殿監副侍 會典宮殿監副侍正五品即副總管

副總管 見上注

內廷侍 會典內廷侍從五品卽首領

執事侍 會典執事侍六品卽首領

內廷待詔 會典內廷待詔六品卽首領

內廷供奉 會典內廷供奉七品卽首領

執守侍 會典執守侍七品卽首領

內廷供用 會典內廷供用八品卽首領

侍監 會典侍監八品卽首領

首領 見上注

內侍 會典內侍九品 案順治初年設十三衙門給

太監品級十八年裁十三衙門并裁太監品級以上諸稱雍正四年所定也

太監古稱

寺人 周官寺人掌王之內人及女官 詩寺人孟子

內侍伯 唐書宦者傳唐制內侍者有寺伯寺人各六

內豎 周禮寺人王之正內五人內豎倍寺人之數注

豎未冠者之官名又內豎掌內外之通令注豎童豎

也內豎蓋奄之小者

奄 周禮天官奄十人注奄氣精閉藏之者今謂之宦

人

奄尹 蔡邕月令問答奄尹者內官也主宮室出入宮

中

內閣官 文選注杜預曰寺人內閣官豎刁也

奚 宦女 周官奚三百人注奚宦女也疏宦女者漢

時已有此別號 五代史宦者傳序自古宦女之禍

深矣 案宦女注原文作官阮校葉記謂當作宦

宦者 唐書劉蕡傳蕡對策詆宦者考官不敢取李邵

曰劉蕡下第我輩登科能無厚顏

宦者令 杜氏通典戰國時有宦者令趙有宦者令繆

賢是

中書謁者令丞 將行 衛尉 少府 杜氏通典秦

少府屬官有中書謁者令丞又有將行衛尉少府各

一人並皇后卿

丞巷長 後漢書百官志丞巷長本注曰宦者主宮中

婢使據續漢志丞巷令本注曰宦者典宮婢侍使

掖庭令 漢書注掖庭宮人之官有令丞宦者為之

百官公卿表太初元年改丞巷為掖庭丞 後漢宦

者傳論非復掖庭永巷之職闈牖房闈之任也

中常侍 小黃門 杜氏通典後漢永平中定中常侍

四人小黃門十人自和熹太后以女主稱制不接公

卿乃以闈人為常侍小黃門通命兩宮自此以來悉

用闈人不調他士

傳詔童 西陽雜俎梁主常遣傳詔童賜羣臣歲旦酒

當是小黃門之類

中傅 漢書武帝紀濟川王明坐殺中傅廢遷防陵注

中傅宦者也

大長秋 歷代沿革漢有常侍贊導內事魏有大長秋

長信詹事 長信少府 長樂少府 杜氏通典漢有

長信詹事掌皇太后宮景帝六年更名長信少府平

帝元年更名長樂少府職如長秋位在長秋上及職

吏皆宦者也

太僕 杜氏通典漢成帝置太僕一人掌太后輿馬通

謂之皇太后卿 案亦以宦者為之

中侍中省 長秋寺 司內上士 小司內中士 巷

伯中士 杜氏通典北齊有中侍中省置中寺中二人

中常侍四人掌出入門閣又有長秋寺置卿中尹各一人掌諸宮閣領掖庭等令並用宦者後周有司內上士小司內中士蒼伯中士等官

內侍監 內侍省 長秋監 司宮臺 內常侍 唐書百官志武德四年改長秋監曰內侍監內承奉曰內常侍

內小臣 給事黃門 中給事中 內承直 內給事

杜氏通典周禮內小臣之職掌王后之命后出入前驅後漢少府有給事黃門常侍左右後魏有中給事中後改爲中給事北齊中侍中省有中給事中四人煬帝改爲內承直唐爲內給事置八人

中宮謁者 中謁者僕射 內謁者監 內謁者 杜氏通典後漢六長秋屬官有中宮謁者二人主報中章後魏北齊有中謁者僕射隋內侍省有內謁者監六人內謁者十二人唐因之

中常侍四人出入殿閣又有長秋寺典屬官
 一人掌諸宮宿衛備儀衛之屬
 上士小司中士中士中士中士中士
 內六人內兩青二人內兩白二人內兩黃二人
 掌殿殿北青中中中中中中中中中中中中
 丹殿典殿典殿典殿典殿典殿典殿典殿典殿
 中宮典殿典殿典殿典殿典殿典殿典殿典殿
 人殿殿殿殿殿殿殿殿殿殿殿殿殿殿殿殿
 事中中中中中中中中中中中中中中中中

稱謂錄卷十二

福州梁章鉅撰

男恭辰校刊

師傅保

太師 太傅 太保 會典太師太傅太保係少師少

傅少保晉銜內閣各部院大臣加銜又內閣大學士

由各部尚書都察院左都御史陞銜補授後吏部將

授為何殿閣具題請旨

少師 少傅 少保 會典少師少傅少保太子太師

太子太傅太子太保係太子少師太子少傅太子少

保晉銜內閣各部院大臣督撫加銜又吏部尚書由五部尚書都察院左都御史改各部侍郎陞任陞內閣大學士又戶禮兵刑工五部尚書由都察院左都御史改

帝師 留侯世家留侯曰以三寸舌為帝者師 傅亮

張良廟碑風雲元感為帝師

宮保 吳震方讀書質疑官名之屬務稱古號如稱給事為給諫狀元為殿撰三孤三公保其一也而通曰

宮保牽強支離竟不成語

亞師 遼除楊戩制云俾涉亞師之列謂少師也

次傅 亞傅 遼除楊戩制又云元袞赤烏進次傅之

崇名除余深制云越陞亞傅之班皆謂少傅也

亞保 李梅亭啟云惟時亞保之休蓋古司空之選謂

少保也

孤保 宋除郭海武制眷于孤保

次輔 次相 通典續會要周制立三孤之官乃次輔

之任或稱三少為次相之任

師傅保古稱

疑丞輔弼 尚書大傳天子必有四鄰前曰疑後曰丞左曰輔右曰弼 大戴禮應而不窮者謂之道輔善而相義者謂之充絜廉而切直者謂之弼博聞強記者謂之丞注道或謂之疑或謂之輔是所謂四輔也

阿衡 保衡 環濟要略三公太師太傅太保也殷時有阿衡伊摯佐之太甲改為保衡皆三公官也詩長發鄭箋曰阿衡湯所倚倚而取平也故以為官名書君爽孔傳曰伊尹為保衡言天下所取安所取平也

孤卿 漢書百官表少師少傅少保是謂孤卿

太尉公 司徒公 司空公 漢書百官公卿表或說

司馬主天司徒主人司空主地是為三公 案漢初

惟有太傅太尉後加置太師太保大司徒大司空哀

帝時議以漢舊無司徒故定三公之號曰大司馬大

司徒大司空後漢惟有太傅一人謂之上公及有大

尉司徒司空而無司保太尉公主天司徒公主人司

空公主地

公相 老學庵筆記蔡京為太保號公相詳見相臣古

稱類相公注 案古以師傅保為三公故丞相兼太師者稱曰公相猶今之封爵又大拜者稱曰爵相或稱侯

師王 西湖游覽志韓侂胄封平原郡王而官太師一時獻佞者皆稱師王

師傅保總稱

三公·三孤 書周官立太師太傅太保茲惟三公少師少傅少保曰三孤孔傳孤特也言卑於公尊於卿特置此三者 案秦則有太尉司徒司空及漢安帝

以車騎將軍鄧騭為開府儀同三司謂別開一府得此三公

三太·三少 文獻通攷三太周之三公也又以三少為孤卿與六卿為九焉 漢書賈誼傳成王幼召公為太保周公為太傅太公為太師保保其身體傅傅之德義師道之教訓此三公之職也於是為置三少皆士大夫也曰少師少傅少保

三事 文選景福殿賦三事九司注三事三公也 案詩三事大夫莫肯夙夜箋云王流在外三公及諸侯

隨王而行者皆無君臣之禮不肯晨夜朝暮省王也
正義曰卿則當有六人孤則無主事故知三事大夫
惟三公耳與文選注同又詩擇有三事傳箋皆以爲
三卿蓋指侯國而言多此異義
三吏左成二年傳晉侯使鞏朔獻齊捷於周王弗見
使單襄公辭焉莊伯不能對王使委於三吏注三吏
三公也宋書江夏王義恭傳有司奏曰聖旨謙光尊
師重道欲致拜太傅然周之師保實稱三吏帝道嚴
極既有常尊考之史載未有茲典

三師 唐六典後魏太師太傅太保尊號曰三師後周
又爲三公隋氏又爲三師 皇朝因之三師訓導之
官也又案唐書三師三公太師太傅太保各一人是
謂三師太尉司徒司空各一人是爲三公皆正一品
三師天子所師法無所總職非其人則闕隋廢三師
貞觀十一年復置與三公皆不設官屬

三司 書敘指南蔡邕稱太尉司徒司空曰三司

四輔 四鄰 詳疑丞輔弼注 案文王世子引記曰

虞夏商周有師保有疑丞設四輔四輔卽四鄰天子

之師保疑丞卽世子之師保疑丞非別設其官也

國師 范史趙典傳公卿表典篤學博聞宜備國師

四近 孔叢子疑丞輔弼謂之四近

太子師傅保

太子太師 太子太傅 太子太保 太子少師 太

子少傅 太子少保 詳見少師少傅少保注

保相 晉書齊王攸傳授太子太傅獻箴於太子曰保

相之材必擇賢明

太子師傅保總稱

東宮三太 東宮三少 文獻通攷後魏有太師太傅

太保謂之東宮三太少師少傅少保謂之東宮三少

太子三師 唐六典太子三師以道德輔教太子者也

太子三少 隋書百官志北齊設太子三少

二傅 玉海漢魏故事太子於二傅執弟子禮通典太子於二

傅皆爲書不曰令少文帝爲太子涼茂爲太傅何夔

傅稱臣而太傅不從爲少傅謂之二傅 楊終傳禮制人君之子年八歲

爲置少傅教之書計以開其明十五置太傅教之經

典以導其志 案陶潛詩長嘯返舊居長揖儲君傅

六傅 何劭傳初建東宮太子年幼欲令親萬幾故盛

選六傅 白居易除太子少傅制實資六傅之賢用

宏三善之道

四輔 四鄰 四近 均詳師傅保總稱注大案此即

所謂太傅在前少傅在後入則有保出則有師也古

者天子之四輔即世子之四輔故又載師傅保門

親王傅 舊唐書官品志職事官有親王傅從三品

上書房行走

總師傅 曩時自太學士以下皆稱入直 上書房至

乾隆二十二年以禮侍介福兵侍觀保刑侍蔡新為

總師傅於是有總師傅之稱

總諳達 上書房又有總諳達亦以貴臣充

諳達 師傅之外別有諳達教滿蒙書者由八旗翻譯

出身人員選派教弓箭者由各旗營參佐領選派每

一皇子各三員輪日一員入直此外有諳達五員

管理鞍韉及教演鳥槍等事每日亦一員入直 皇

子有事他往則五員皆隨往

內諳達 外諳達 或云內諳達外諳達共五人內諳

達教滿蒙書由八旗翻譯人員選派外諳達教弓箭

騎射等事由八旗參佐領選派輪日入直

哈哈珠塞

亦稱哈哈珠子

皇子各有哈哈珠塞八人由八旗年

幼閒散人內挑派每日二人入直司奉茶進食之事

案清語哈哈男也珠塞小孩也

各等封爵

此本朝異姓之封爵也與宗室各封爵不同故自為

類若前代宗室封爵亦有用公侯伯子男五等者故宗室封爵古稱類又不免或與此同

公 禮王制王者之制祿爵公侯伯子男凡五等正義

引元命苞云公者為言平也公平正直 案雍正元

年 欽定一二三等公美名褒績公忠達公奉議公

超武公雄勇公果毅公信勇公建烈公勇勤公英誠

公

侯 禮正義引元命苞云侯者候也侯王順逆 周禮

大宗伯八命作牧正禮案曲禮云牧于外曰侯是牧

本爵稱侯矣 案乾隆十四年 欽定一二三等侯

美名曰奉義侯恭誠侯順勤侯順義侯昭武侯延恩

侯

伯 禮正義引元命苞云伯者伯之為言白也明白於

德也又曲禮五官之長曰伯 白虎通殷爵之等謂

公侯伯也所以子男從伯者何王者受命改文從質

無虛退人之義故上就伯也 案乾隆十四年 欽

定一二三等伯美名曰敦惠伯翼烈伯宣義伯襄甯

伯昭毅伯威靖伯襄勤伯誠毅伯昭信伯懋烈伯誠

武伯勤宣伯

子 禮正義引元命苞云子者奉恩宣德 公羊傳春

秋伯子男一也注春秋改周之文從殷之質合伯子

男為一爵無所貶皆從子夷狄進爵從子是也

男 禮正義引元命苞云男者任功立業

精奇尼哈番 阿思哈尼哈番 阿達哈哈番 拜他

拉布勒哈番 拉會典作喇 拖沙喇哈番 案今人於公侯伯

輒稱為五等之封此但沿前代之稱而於我 朝封

爵之制實未之攷也成周以來列爵惟五秦漢時爵

二十級並非世職其世襲者祇有侯爵分縣侯鄉亭

侯三等之稱惟唐宋悉依舊制我 朝則公侯伯以

下並未立子男之爵而別立五等之世職則共為八

等彼時尚未定漢文之名乾隆元年始奏準以精奇

尼哈番爲子爵阿思哈尼番爲男爵各分三等以阿
達哈哈番爲輕車都尉亦各分三等以拜他拉布勒
哈番爲騎都尉拖沙喇哈番爲雲騎尉凡公侯伯無
論一二三等俱列超品一二三等子爲正一品一二
三等男爲正二品一二三等輕車都尉爲正三品騎
都尉爲正四品雲騎尉爲正五品恩騎尉爲正六品
昂班章京 梅勒章京 甲喇章京 牛錄章京 小
知錄天聰八年論功增轄五備禦之總兵官稱爲一
等公其餘總兵官稱昂邦章京仍分三等謂今子爵

也副將稱梅勒章京亦分三等謂今男爵也參將遊
擊俱稱甲喇章京謂今輕車都尉也備禦稱牛錄章
京謂今騎都尉也 案 皇朝通攷昂邦章京作案
班章京甲喇章京作札蘭章京惟梅勒章京與小知
錄同又云代子爲分得撥什庫章京爲小撥什庫旗
長爲專達屯撥什庫仍爲屯撥什庫未知當今何職
也又案順治四年議定世職昂班章京改爲精奇尼
哈番梅勒章京改爲阿思罕尼哈番札蘭章京改爲
阿達哈哈番牛錄章京改爲拜他拉布勒哈番半個

前程改為拖沙喇哈番

各等封爵古稱

上公 書庸建爾于上公 穀梁桓十八年傳公五等

之上公 家語生為上公死為貴神

正公 穆天子傳乃命正公郊又注正公謂三上公天

子所取正者

力臣 禮凡自稱伯曰天子之力臣注伯上公九命分

陝者正義言已是天子運力之臣

國公 開國郡公 開國縣公 唐書凡爵九等三曰

國公食邑二千戶從一品四曰開國郡公食邑二千

戶正二品五曰開國縣公食邑千五百戶從二品又

諸子為郡公以恩進者封郡王襲郡王嗣王者封國

公 通典後魏有散公散侯散伯散子散男道武夫

賜元年減五等為四 案晉令已有開國郡公縣公

之稱唐蓋用晉舊令也

徹侯 通侯 獨斷上徹侯羣臣異姓有功封者稱曰

徹侯避武帝諱改曰通侯 案秦制爵二十等以賞

功二十徹侯十九關內侯十八大庶長十七駟車庶

長十六大上造十五少上造十四右更十三中更十二左更十一右庶長十左庶長九五大夫八公乘七公大夫六官大夫五大夫四不更三簪裹二上造一公士據此則徹侯之稱蓋始于秦而漢因之

列侯 漢書高帝紀其有功者上致之王次為列侯又五行志哀帝即位封外屬六人為列侯楊宣以爵王過制為諫 蘇頌詩尚書列侯第外戚近臣家 案

漢制列侯有功德天子命為諸侯者謂之朝侯其位次九卿下皆平冕文依侍祠郊廟其稱侍祠侯者但

侍祠而無朝位其非朝侯侍祠而以下士小民或以肺腑宿親若公主子孫或奉先後墳墓在京師者亦隨時見會謂之猥諸侯則漢又有朝侯侍祠侯猥諸

侯諸稱

長侯 文選注引呂氏春秋誠廉篇武王使召公盟微子曰世為長侯據此知初封為侯爵至成王時始命為上公

亭侯 通典漢獻帝建安初封曹操為費亭侯亭侯之制自此始也 三國勸進表漢壽亭侯關羽新亭侯

張飛可證大明會典稱壽亭侯誤矣漢壽者封邑卽

亭今敘州府也案漢之列侯大者食縣小者食鄉亭

則有稱亭侯者亦必有稱鄉侯縣侯者

便侯見史記年表謂無功而侯者

君侯漢書劉屈氂傳君侯長何憂乎注如淳曰漢儀

注列侯爲丞相稱君侯師古曰通呼列侯之尊稱非

必丞相也李白與韓荊州書君侯制作侔神明

諸侯長周禮秋官注諸侯長九命作伯者也

開國縣侯唐書爵九等六曰開國縣侯食邑千戶從

三品案通典凡國王公侯伯子男六等次縣侯次

鄉侯次齊侯次關內侯又有關中侯關外侯

開國縣伯唐書爵九等七曰開國縣伯食邑七百戶

正四品上

開國縣子開國縣男唐書爵九等八曰開國縣子

食邑五百戶正五品上九曰開國縣男食邑三百戶

從五品上金史百官志正五品曰縣子從五品曰

縣男

宗人府

宗人府 會典 國初於 篤恭殿前列署為諸王議
政之所順治九年置宗人府

太宗正院 明史洪武二年置太宗正院二十二年改
為宗人府並以親王領之秦王棧為合晉王櫛燕王

棣為左右宗正周王橚楚王楨為左右宗人其後以
勳戚大臣攝府事不備官而所領亦盡移之禮部

大宗正司 宋史職官志元豐官制行詔宗正長貳不
專用國姓蓋自有大宗正司以統皇族也

睦親廣親宅 宋史職官志熙甯二年始以異姓朝臣
二員知丞事置局為睦親廣親宅

大睦親府 金史百官志太宗正府泰和六年避睿宗
諱改為大睦親府

宗正寺 唐書百官志宗正寺卿一人少卿二人掌太
子族親藉以列昭穆

南外 西外 宋史燕王德昭傳建炎二年分西外宗
子於泰州命合憲知西外宗正事尋擢英集殿修撰

知南外宗正事 馬氏通攷宋崇甯二年始置南外
宗正司在南京西外宗正司在西京各置敦宗院

案南外西外所以處宗室之在外者也敦宗院亦稱厚宗院

司宗寺 司屬寺 唐書百官志龍朔二年改宗正寺

曰司宗寺光宅元年曰司屬寺

宗人府職官

宗令 會典順治九年置宗人府設宗令一人以親王

郡王統理府事

宗正 逸周書嘗麥篇太祝以王命作筴筴告宗正

漢書高祖紀自櫟陽徙都長安置宗正官以序九族

初學記引宋百官春秋云周受命封建宗盟始選

其宗室之長而董正之謂之宗正成王時彤伯入為

宗正是也 曲阜集行王柄制宗正地嚴秩清儒者

之職也

宗人 會典順治九年置宗人府設左右宗人二人以

鎮國輔國公將軍兼攝

府丞 會典順治九年置宗人府設漢府丞一人

經歷 會典順治九年置宗人府設經歷二人

左司理事 右司理事 會典順治九年宗人府設覺

羅啟心郎一人漢軍啟心郎二人滿洲郎中六人員
外郎六人康熙十二年裁啟心郎始分左右二司每
司各設主事一人定左右司理事官雍正二年改郎
中爲理事官員外郎爲副理事官

啟心郎 池北偶談本朝設啟心郎二員外以烏金超
哈爲之後裁去卽古之宗正也

宗人府職官古稱

宗人令 續文獻通攷正統三年宗人令掌皇九族六
親之屬籍 案明史職官志宗人府宗人令一人左

右宗正各一人並正一品掌皇九族之屬藉以時修
其玉牒書宗室子女適庶名封嗣襲生卒昏嫁諡葬
之事是明之宗人令卽今之宗令也

宗伯 漢書百官表宗正秦官掌親屬平帝元始四年
更名宗伯 案周禮小宗伯掌三族之別實與宗正
職掌相符此元始所以更名宗伯也

宗師 宗正卿 通典漢平帝五年於郡國置宗師以
糾皇室親族世氏致教訓焉選有德義者爲之 又
宗曰晉咸甯三年又置宗卿

宗師中大夫 通典後周有宗師中大夫掌皇族定世

系辨昭穆訓以孝弟

宗卿 杜甫詩丈人領宗卿

宗正卿 少卿 通典又云後魏有宗正卿少卿北齊

亦然 宋史職官表宗正卿掌敘宗派屬藉以別昭

宗穆而定其親疏少卿為之貳丞參領之

知大宗正事 同知大宗正事 李心傳建炎以來朝

野雜記知大宗正事仁宗始置用太祖太宗之後屬

近行尊者各一人 攷宋有知大宗正同知大宗正

以皇兄皇姪為之

判寺事 知寺事 宋史職官志宋初舊置判寺事二

人以宗姓兩制以上充注云初置卿少率以常參官

判寺事大中祥符八年以兵部侍郎趙安易兼卿判

寺趙世長改為知寺事

大司族 大司戚 叩鉢齋官職攷漢因秦制置宗正

掌九族以皇族為之稱大司族亦稱大司戚

司宗卿 司屬卿 歷代沿革宗正龍朔中改為司宗

卿光宅初改為司屬卿 案書敘指南宗正職曰司

宗掌族見揚雄箴並漢官儀

宗正丞 漢劉德傳字路叔脩黃老術有智略昭帝初

為宗正丞 案即今之府丞也

寄祿官 奉議郎 馬氏通攷丞漢亦用皇族後漢一

人歷代皆有之隋有二入唐因之宋初為寄祿官後

改為奉儀郎元豐正官名詔宗正寺除長貳外自今

後更不專差國姓建炎三年罷紹興五年復置

惕隱 續文獻通攷遼北面大惕隱司太祖置掌皇族

之正教官名惕隱今國語改為特哩衮契丹國志惕隱宗正

寺也 遼史百官志惕隱亦曰梯里已今國語改為德爾去

札魯忽赤 元史百官志大宗正府秩從一品國初未

有官制首置斷事官曰札魯忽赤今國語改為札爾呼齊

冷卿 容齋隨筆世傳宗正為冷卿 蘇軾送魯元翰

詩冷卿當復溫

內閣 附中書科

內閣 明史職官志大學士授餐大內常侍天子殿閣

之下避宰相之名又名內閣 案此則內閣之稱自

明始

國史院 祕書院 宏文院 池北偶談國朝官制設

內三院曰國史曰祕書曰宏文院各有學士一員既

設翰林院以內三院為內閣則止設閣學二員互詳

翰林院注

多爾吉衙門 皇朝通攷順治十五年諭曰內閣滿字

稱為多爾吉衙門漢字稱為內閣

中書省 通典中書之官謂之中書省有分掌二十一

局事

鳳凰池 荀勗傳久在中書專管機事及失之甚悵悵

或賀之者勗曰奪我鳳凰池諸君賀我耶

鳳閣 唐書韋嗣立傳與承慶異母承慶為鳳閣舍人

武帝詔嗣立謂曰爾父嘗稱二子忠且孝今使卿兄

弟自相代即拜中書舍人 文獻通攷中書省唐光

宅元年改為鳳閣

綸閣 王岷直中書詩高閣臨雲日險岑仰天居中書

職掌綸誥前代詞人因謂綸閣白居易詩絲綸閣下

文章靜

黃閣 衛宏漢官儀卷上丞相廳事閣曰黃閣無鐘鈴

宋書禮志三公之與天子禮秩相亞故黃其閣以示謙

紫閣 王建宮詞金殿當頭紫閣重又野人閒話劉義
度感懷詩紫閣無心戀青山有意行

西掖 漢官儀左右曹中書左右因謂之右曹又稱西
掖

西省 宋書王韶之傳晉帝自孝武以來常居內殿以
省官一人管司詔誥任在西省因謂之西省郎

西臺 初學記中書令唐龍朔改爲西臺右相 文獻

通攷中書省後魏謂之西臺宣武帝謂中書監崔光
曰卿是朕西臺大臣

西垣 蘇軾謝中書舍人表西垣視草復玷近班

參酌院 唐國史補長慶初每有司斷大獄又令中書
舍人一員參酌而出之百司呼爲參酌院

內閣大學士

體仁閣大學士 保和殿大學士 文華殿大學士

武英殿大學士 文淵閣大學士 東閣大學士 協

辦大學士 會典載大學士不備官向兼各部尙書銜

順治十五年始改內三院爲內閣以大學士分兼殿閣稱中和殿大學士保和殿大學士文華殿大學士武英殿大學士文淵閣大學士東閣大學士乾隆十三年諭內閣滿漢大學士員缺無定自是官不必備惟其人之意而康熙時大學士率用四員雍正閒多至六員嗣復定爲滿漢各二員其協辦滿漢或一員或二員因人酌派又大學士官銜仍兼殿閣其中和殿名從未有用不必開載著增入體仁閣名三殿三閣較爲整齊五十八年諭大學士職居正一品無庸復兼從一品之尙書虛銜

額外大學士 雍正七年 諭云禮部尙書陳元龍左都御史尹奉慝奉 聖祖仁皇帝多年屢經任使今雖年近八旬而精神尙健特加恩授爲額外大學士似與協辦大學士微有不同今另立一稱

大學士 憲章類篇洪武中內閣置大學士以備顧問中官僅五品不預政柄自三楊入閣乃以少師尙書兼大學士官尊於六卿而口銜天命故中外皆稱之曰宰相 案唐宋元之大學士秩不過五品卽明之大

學士亦非重任必加銜乃尊後乃升爲宰輔之任無須加銜稱極品矣

中堂 王士禎池北偶談明洪武十五年設內閣大學士上命皆於翰林院上任十八年又命殿閣大學士左右春坊大學士俱爲翰林院官院中設閣老一公座于中而掌院學士反居其旁諸學士稱閣老曰中堂以此 案湘山野錄錢希白見王冀公欽若戲曰中堂遂有如此宰相乎又聞見錄富鄭公與康節食筍曰未如中堂骨格之美云云王元暉秋澗集有由堂事記記元初中書省事皆視此矣 案中堂中殿也謂直殿閣之意

大拜 池北偶談本朝以學士大拜者二人高揚李公戊戌大拜兼工部尙書孝感熊公乙卯大拜兼刑部尙書李年三十四熊年四十一 案以大拜稱宰相自昔已然今尤尙此稱

榜式 池北偶談 國初內三院滿洲大學士謂之榜式烏金超哈官大學士亦稱榜式烏金超哈卽漢軍也

閣師 詞林典故庶吉士稱大學士為閣師再大學士但在未散館以前授者是科庶常均執弟子禮

堂老 閣老 李肇國史補宰相曰元老或曰堂老蓋

宋時宰相相呼為堂老又兩省相呼為閣老

參知 協揆 謝維新合璧事類後魏古弼為尙書令

參知政事 案今以大學士協辦為古之參知政事

故有稱參知者有稱協揆者然唐之參知政事降宰

相一等據合璧事類所載則後魏時已有此名以文

義推之蓋謂其以尙書令輔政猶明代拜大學士者

必曰入閣參預機務之類非實有是官號也

相臣古稱

案內閣大學士即古之相臣也然既謂之大學士即不得謂之宰相故不以爲大學士之古稱而仍以爲相臣之古稱以類相從附於大學士之後焉

百揆 冢宰 書納于百揆孔傳百揆無所不總者

後漢百官志百揆堯初別置周更名冢宰

端揆 唐書張說傳端揆者為萬方之式

丞相 相國 史記秦本紀武王二年初置丞相 通

典始皇尊立呂不韋為相國 案相國丞相皆秦官

漢因之史許呂后用蕭何計誅淮陰侯拜丞相何為

相國丞相與相國疊為廢置則一官異名而已

相 漢書百官志景帝中五年改丞相曰相

相室 漢書五行志不當華而華易大夫不當實而實

易相室注相室猶言相國謂宰相也

上相 書將告歸乃陳戒于德疏伊尹湯之上相

亞相 長編韓魏公為相曾公為亞相趙康靖歐陽公

為參政事 案參政事或即參知政事也

左相 成湯居亳初置二相以伊尹為阿衡仲虺為左

相

國相 袁天綱外傳帝數幸宰相宅見李嶠臥青絕帳

歎曰國相如是大乘國體

相公 王粲從軍行相公征關右 周亮工書影前代

拜相者必封公故謂之相公若封王則稱相王注司

馬文王進爵為王荀顛曰相王尊重是也

晉簡文帝稱相王武帝在魏時亦稱相王自洪武中革去丞相之名則有公而無相

矣即初年之制亦不全沿唐宋有相而不公者胡惟

庸是也有公而不相者常遇春之倫是也封公拜相

惟李善長徐達三百年來只二位相公耳 老學庵

筆記蔡攸初以淮康節領相印徽宗賜宴因語之曰
相公公相子蓋是時京為太師號公相攸即對曰人
主主人翁

平章 李珣傳珣曰祖宗倚宰相天下事皆先平章故
官曰平章

同平章事 尙書左右僕射 案秦號為丞相孝惠時
增為左右丞相魏黃初改大丞相唐開元置左右丞
相宋為同平章事元豐獨設尙書省門下省中書省
更為尙書左右僕射明洪武復設左右丞相罷中書

省置殿閣大學士

同中書門下平章事 宋李上交近事會元唐高宗永
隆二年以中書侍郎郭正一與魏侍舉並同中書門
下平章事此官自正一始也永淳二年四月上謂參
知政事崔知溫曰郭正一魏侍舉等厯令尙淺且令
預聞政事未可與卿等同名稱自是外司四品以下
知政事者遂以平章事為名 唐太宗貞觀十七年
三月以兵部尙書英國公李勣為太子詹事同知中
書門下三品

侍中 野客叢書漢侍中比二千石分掌乘輿服物至持藝器虎子之屬武帝以孔安國爲侍中以其儒者特聽掌御坐唾壺至唐遂以爲宰相之任

參知機務 參知政事 宋史參知政事副宰相毗大政參庶務先是已命趙普爲相欲置之副而難其名稱以問翰林學士陶穀曰下宰相一等有何官對曰唐有參知機務參知政事故以命之

世柱國 後漢書楊震傳贊楊氏載德仍世柱國注言世爲國柱臣也亦稱大柱國攷陸凱疏曰宰相國之

柱也

太宰卿 卻掃編杜相充以列卿使遼時新更左右僕射爲太宰少宰虞仲者聞南朝新定宰相官名杜曰曾讀周禮否虜曰正以周禮太宰卿一人則天官之長曰少宰中大夫二人其屬耳安得相抗爲宰哉杜無以應

衡宰 台宰 後漢酈炎傳炎作詩云絳灌臨衡宰又謝弼傳台宰重器國命所寄 案宰者調和膳修之名宰亦能調和眾官故名

宰執 唐書張九齡罷相後宰執每薦公卿帝必曰風

度得如九齡否

台輔 魏志袁術傳馬日磾歷位九卿必登台輔

宰輔 後漢書二十八將傳論宰輔五世莫非公侯

唐書藝文志蔣乂大唐宰輔錄十卷 北夢瑣言薛

昭緯侍郎恃才與地以宰輔自許切於大拜

元輔 陸雲丞相陸公誅將庸元輔相維天子

鼎輔 魏志崔琰傳涿郡孫禮盧毓始入軍府琰曰皆

公才後咸至鼎輔

鼎席 揮麈前錄李士美何文縝亦以廷魁至鼎席

鼎臣 鼎位 山堂肆攷姑威集謂宰相為鼎臣又曰

高鼎位

鼎司 後漢書謝夷吾傳宜當拔擢使登鼎司又楊秉

傳三公鼎司無所不統

天老 杜甫詩天老書題目春官驗討論注天老謂宰

相也

錄公 南史袁憲傳陳武帝作相除司徒戶曹初謁遂

抗禮長揖中書令王勵謂憲曰卿何矯眾不拜錄公

肅機 唐書百官志注龍朔元年改左右丞曰左右肅

機又宰相表咸亨元年趙仁本罷為左肅機

首叅 宋史龔茂良傳上命茂良以首叅行相事

譯經潤文使 譯經使 嬾真子本朝宰相銜帶譯經

潤文使蓋本於唐也 楓窗小牘天禧五年十一月

丁丑以宰臣丁謂王欽若為譯經使謂翻譯藏經也

高霸黎 唐書東女傳東女羌別種也居康延川戶四

萬勝兵萬人王號兵就官曰高霸黎猶言宰相也

清平官 唐書南詔傳官曰坦綽曰布燮曰文贊謂之

清平官所以決國事輕重猶宰相也

婆漫地 唐書環王列傳環王本林邑也呼宰相為婆

漫地

老鳳 王志堅表異錄宋世以翰林學士為大鳳丞相

為老鳳

內閣各官

學士 侍讀學士 侍讀 中書 會典大學士下又

有滿漢學士及侍讀學士侍讀順治十六年裁滿漢

學士其滿洲侍讀學士以下俱改為中書舍人照現

在品級加卿寺銜則非今中書所得比也今率稱中書爲舍人其實昔之中書舍人尊於今之中書遠甚耳十八年始仍設學士及侍讀學士康熙十年始定滿漢學士兼禮部侍郎銜又云乾隆三十七年改中書舍人爲中書科掌印中書

內閣各官古稱

閣學 池北偶談明殿閣詞林記有殿學閣學詹學翰學之名而內閣學士則稱閣學 避暑錄話顯謨徽猷二閣直學士欲效龍圖閣直學士之稱龍學而難

于稱謨學猷學乃易爲閣學此稱閣學之始

簽樞 馬氏通攷宋朝殿學士有觀文殿資政殿端明殿觀文殿非曾爲相者不除資政殿以寵輔臣之去位者端明殿惟學士久次其位者始除近歲以待簽樞云

次相 貳公 攷內閣學士亦稱次相以爲貳公周官貳公宏化貳副也副君以弼君故曰貳公

龍閣 龍學 葉夢得避暑錄話龍圖閣學士舊謂老龍閣但稱龍宣和以前直學士直閣同稱未之有別

也末年陳亨伯直學士佞之者惡其下同直閣遂稱龍學於是例以爲稱

閣老唐書百官志中書舍人以久次者一人爲閣老大判本省雜事又楊綰傳云故事中書舍人年久者爲閣老其公廨雜料獨取五之四至綰悉均給之案今人率以此稱宰相而變其名曰閣長以稱內閣侍讀閣長卽古之閣老也

假龍 小龍 大龍 老龍 方勺泊宅編舊制直龍

圖閣謂之假龍龍圖閣待制謂之小龍龍圖閣直學

士謂之大龍龍圖閣學士謂之老龍

祕書令 中書令 中書監 初學記中書令蓋周官

內史之任謝靈運晉志以其總掌禁中書記謂之中

書 案漢武帝始以宦者典事尙書謂之中書謁者

置令僕射成帝建始四年改中書謁者令曰中謁者

令更以士人爲之魏武帝置祕書令文帝黃初改爲

中書令又置監以祕書左丞劉放爲中書監右丞孫

資爲中書令並掌機密中書監令始於此也

中書檢正 宋稱內閣侍讀爲中書檢正

宰相判官 翰苑新書曾肇為中書舍人王巖叟言肇

凡材可以稱職李陶亦言中書舍人前人推重為宰

相判官豈可序遷

五花判事 曾鞏劄子故事中書舍人分押尚書六曹

天下眾務無不關決其各執所見謂之五花判事

三省架閣官 宋稱內閣典籍為三省架閣官

六押 唐書李泌傳給舍分司押字故舍人謂之六押

蘇軾答舍人啟惟此六押之任要須二者之長

四戶 葉廷珪海錄碎事齊永平初中書舍人四員各

住一省時謂四戶權傾天下 案六朝之中書舍人

權侔宰相今則內閣之屬官祇七品耳

兩制 周必大玉堂雜記北門掌內制西掖掌外制是

謂兩制

中舍 舊唐書貞觀初高麗百濟同伐新羅遣使告急

乃假朱子奢員外散騎侍郎充使太宗謂曰海夷頗

重學問卿為大國使必勿藉其束修為之講說使還

稱旨當以中書相待

小鳳 表異錄宋世以紫微舍人為小鳳

紫薇郎 初學記魏武置祕書令卽中書之任隋文帝

改爲內史令煬帝改爲內書令唐光宅初改爲鳳閣

內史開元初改爲紫薇令 褚朝楊上徐中書詩中

禁仙池集鳳凰池邊詞客紫薇郎 太宗謂曰詩

紫綬宰相 朝野雜記舍人院每知制誥設紫綬於庭

面北拜閣老立綬之東北謂之紫褥宰相其禮相傳

自唐

雜事舍人 唐書奚陟傳中書令李晟有紙筆猥料集

于省他日以遺中書舍人而雜事舍人常私有之

西班 續會要云宣和三年詔西邦學士侍制員多令



中省具名取旨以班圖觀之學士侍制在西故曰西

班





喪唐

雖中省具名... 西... 會... 宣... 時... 三... 年... 隋... 西... 漢... 學... 士... 符... 歸... 員... 參... 介...



70047697



和言録

卷三

西州 會館 中 實 和言録 卷三



70047697

